

29 AUG 1997

MAHATHIR RASMI PERHIMPUNAN AGONG MCA

KUALA LUMPUR, 30 Ogos (Bernama) -- Pengerusi Barisan Nasional Datuk Seri Dr Mahathir Mohamad pagi ini merasmikan Perhimpunan Agung MCA ke-44 di Wisma MCA di sini.

Perdana Menteri Dr Mahathir turut menyampaikan amanat penting untuk anggota MCA pada majlis yang dihadiri lebih 2,500 perwakilan dan pemerhati dari seluruh negara.

Presiden MCA Datuk Seri Dr Ling Liong Sik, Naib Presiden Datuk Lim Ah Lek dan Setiausaha Agung Datuk Dr Ting Chew Peh merupakan antara anggota tertinggi parti yang hadir pada majlis itu.

Turut hadir pada majlis itu menteri-menteri kabinet dan wakil komponen Barisan Nasional.

Walaupun perhimpunan tahun ini tidak membabitkan pemilihan jawatan parti, tetapi pemerhati politik menganggap ia sebagai penting bagi meletakkan parti menghadapi cabaran alaf baru.

Semalam, pergerakan Pemuda dan Wanita MCA mengadakan perhimpunan agung masing-masing bagi membincangkan beberapa resolusi yang akan dibawa pada perhimpunan hari ini. -- BERNAMA

HJ RI